

cio Vigatium, Scalanam insulam, & Sanguinetum ad deditionem compulerunt. Processum inde usque ad Athesis ripam, in qua hostes conspecti tantum terroris accolis, qui adversam ripam tenebant, injecere, ut quasi fluvium superaturi adessent, passim ceptum sit trepidari. Pervasis ille terror Vincentiam ac Paduam usque; fugaque ingens ex agris in urbes & loca munitiora est facta. Habitus ad hæc utrobique tumultuarius delectus ab ipsis magistratibus, ut ad Athesis ripam hostibus occurrerent. Sed vix Alphonsus ad Villam Francam confederat, quum Severinas præter Benaci ripam ducens, circa Vallegium loco eminentiore cum omnibus copiis confedit. Secutus inde Marcus Antonius Maurocenus legatus cum parte copiarum quæ Lunati erant: sub cujus accessum Augustinus Barbadicus collega, quia ægrotare cœperat, Venetiâs decessit. Calaber, ubi Venetum in conspectum sedentem, neque ad pugnam elici posse vidit, neque tuto oppugnari, motis repente signis, in Brixienfes abiit, Asulamque tumultuose circumfedit. Fuerunt qui crederent, non temere eo impetu hostem, omnibus posthabitis, retro concessisse; sed spem illi Asulæ voluntaria deditione recipiendæ ab oppidanis, aut ab illis qui præsidio erant, fuisse factam. Illud sane constat, oppido Venetis non multo post ex fœdere restituto, paucissimos decreto Patrum proscriptos, qui culpæ sibi conscii sub belli exitum voluntario exilio solum verterant: unde intelligi potest, deditionis illius culpam a publico consilio prorsus abfuisse. Verum quomodocunque id factum sit, ita accidit, ut sub primos ejus conatus sine aliqua majore oppugnatione (quum locus alioquin pene inexpugnabilis esset) deditio ab Asulanis sit facta: quam his qui in arcæ erant secutis, omnia brevi in hostium potestatem concessere. Venetus, Calabro abeunte, omnibus locis quæ ille in Veronensi occuparat, receptis, relictoque Antonio Superantio ad Vallegii præsidium, præter Benacum in Brixienfes reversus, ad Calcinatum confedit.

1484
Ad Athesis
usque
pergit.

Asulani
sepe de-
dunt.

Dum hæc autem foris geruntur, Respublica non me-

H h h

dio-